

www.BibleForChildren.org

Metiu 1



Erisabet fu e fudiene fivake asam imut roin ga nikit (6)
ijeg barko ijia God fu anera Gebrior kuamga fu ar
Nasaret vain. Rega ar iji fu moik Gareri guf ijia. Regavo
iji fu vainma fu bara be fuba baruna naino iji bu e Josof
kuainva ijefuon vuak abe vain. Rega e Josof iji fu
Devidon uifarif revo bara ijefuon if iji Meri.



Ijefuon anera iji fun uri Meri kua, Ab juk
aiji fun Godri oi fuon ijekma a mainma
ijefuon fur a oijmame mardain. Aiji
ason rad e fudiene am farif be nafek
ga if fuon a Jesu kuak. Regavo
fuiji fuka E Bomana rene vo
bu fu kua E Bomana God kaf
gufia fino ijefuon Farifno kuak.
Rega E Bomana God fu izeg saifuon
Devid fu e bomana renma ijeg fu
kuaga fur E Bomana rek. Regavo fur
ka ma E Bomana rene e Jekafon

uifarif iji samuagdiaknuvo fur ire
fok samuagdame ijia fivak.



Anera ijar ijeg kuardamga Meri fu
una kua, Naiji naba baruna naijo
gavo vuak iji a kuardiemon iji fu
izeg nun rekno kuain? Meri fu ijeg
kuamga anera iji fu una roin
kua, Godon Kaven iji fu
a nirokame daro maga
a daro abek. Ijefuon
am akaij iji a
nafekma fu Godon
Farif rek.



Ijegreare tavan ijia Meri fun migestare
sinuom fun kanafume fun mai be bu uruo
kaf ijia karinva ijia vain. Regavo mai iji fu ai
Judia guf ijia. Fu va ijia
kekome Zekaraian ar ijia
ajie Erisabet anain.
Meri fu Erisabet anaiko
am ijar Erisabeton
defok ijia katin.



Regavo Erisabet fuka Kaven Akai ijar
oifuon iji samuamo ijefuon fun uri uruvana
igia kume, Aiji aka bara uruvana ijiebuon
araf ijia if on fuka ma
bomana rekfuon. Regavo
amon iji fuk if fuon fuka
ma bomana reken.



Ijegvo Jesu Kurais bu
nafenva iji fu ijeg. Bara Meri
Jesun asie iji bu e Josof
jakfun kuain. Regavo fu
vek naise ba baruna nainma
ijia fu fun ganamigak
fu Kaven Akai ijefun
daro ijia fu e
fudienma fu iji gain.



Regavo e Josof fuka e mado
fuba una Meri e iji fu
fudienma iji afeme dab
kuaimgakfuon iji fuba ijeg
ren. Ijefuon fum oifuon ijia
Meri fu abekfuon iji fu
isuar ijia arekafa fu
ijeg vierafen.



Fu ijeg vierafeoga E Bomana ijefuon anera ijar ari
naka kuardame kua, Josof e Devidon uifarif ige bara
Meri a abekafa jumo iji fu bano abene.
Regavo am iji fu fudienma iji fu Kaven
Akai ijefuon daro ijia fudiedo fu am farif
nafekma a abe ime Jesuno kuak. Ijefuon
maiji fur efuon ijiebuon ise iji bu reoijo
ijia karauniakno kuain.



Regavo am iji fu fudienma iji fu Kaven Akai ijefuon daro
ijia fudiedo fu am farif nafekma a abe ime Jesuno kuak.
Ijefuon maiji fur efuon ijiebuon ise iji bu
reoijo ijia karauniakno kuain.



Ijefuon Josof fun naine suok urine izeg E Bomana
ijefuon anera fu kuardainma ijeg fun bara Meri aben.
Fu aben gavo fuba fusik besum naikoga
fun vake amfuon amur iji nafen. Fu
nafega Josof fu abe ime Jesuno kuain.



Arema tavan iji e Ogastas fu e bomana renma ijia fu
kiamga bu moik kafokafo iji e Romko bu samuagdiavo
ijia e dame vain. Ijefuon e
uruvana bu mai buon bu
nafediainva ijia
va ifbuon



vajiaga bu isoikuai vain.



Ijefuon e mamkanuk e daoijo iji bu usem Josof kua, Aiji
a e Devidon uifarif be ijefuon ni una va Betriem ar bu
sat on Devid nafenva ijia if
on isoimne kuain.



Ijefuon Josof fun bara Meri kaifuon iji afeme Nasaret
Gareri guf iji areme una Betriem Judia guf ijia vain.
Regavo bara Meri e Josof
fu abekno kuainva iji
fun fudien.



Regavo bu vek Betriem
karinva ijia am fu
nafekfuon tavan iji fun
ruain.



Bu ijia vain gavo ar bu naoikfuon iji fuka ba aresren
ijefuon bu kiavga bu una mabuon ar
ijia vain.




Ijegreeare rad bara Meri fun am
farifuon amur iji nafene abe
ugon ijia anume abe mavua guf
iji bu maf-kau duok vajiavo ijia
unain.



Rega tavan ijia e maf-sif samuagdiavo iji buk bu ar ijia
naki maf-sif iji bu kege fak kirakuriainva iji
samuagdiaoj.



Bu ijegreoijo ijia E Bomana ijefuon anera be fu bu oijo
ijia ruakoga E Bomana ijefuon sanainma iji fu ijia
sanama buka bomana juin.



Bu ijeg juvga anera iji fu uri kia, Jab juk igi na ruainva iji na joifuon vuak ma iji abe ruain. Regavo e uruvana bu vuak maigi faikva buka oimarek.

Ijefuon
ivia e
Devidon
mai ijia
e iji e
karauniakfuon
iji

bun nafen revo e
iji fu E Bomana
Kurais.



Regavo ja izeg fu game ma vierafekfuon iji ijeg am iji
bu abe ugon ijia anume abe mavua bu maf-kau duok
vajiavo ijia unainva iji ja gakno kiain.



Anera iji fu vuak ijeg kuardiame barekoga migestare bu
gak anera ma uruvana bu Godon dua
oimarvo iji uruknum varur ijia ari roka
bu giain.



Regavo anera iji bu dua be ijeg roin, No God e
iji kaf gufia fino iji abe aroiv gavo God fu
efuon iji fu oimardiamo iji ifejdame
samuagdiaga bu



afuim
kariok.



Ijegreare Godon anera iji bun areme una
varur gufia ajie vakoga e iji maf-sif
samuagdiavo iji bu una bui kuai, Ruano
va Betriem usem ire iji renma E Bomana
fu kuarduinma iji gavno kuain.



Bu ijeg kuaima bun migestare vake Meri ko Josof
biedame gak am iji fu mavua bu maf-kau duok vajiavo
ijia nam. Fu ijia namga bu game urine am ijefuon vuak iji
Godon anera fu kuardiainma iji Meri ko Josof kuardiame
uri e uruvana Betriem karinva
iji kuardiain.



Bu tavan iji bu Jesu
ar Betriem moik
Judia guf ijia
nafenva ijia fu e
Erodri e
bomana rene

moik iji samuamo.
Ijegrekoga rad e nokbek (3) bun
ar tavan ajiemo nak ijia roke
Jerusarem usen. Regavo e iji
ruainva iji bu karine mujur ijia
anf sumakin kafo nisaivo ijieb ruain.



Bu useme e
iji kia, Am ukak iji fu
rad e Jiusbuon e
bomana
rekfuon iji bu

izia nafen. No anf fuon sumakin
be ire mujur ijar ar tavan ajiemo
nak ijia ajie roka no gain. Ijefuon
no fuon sirimamene
kurituamajakuai ruainvano kiain.



Bu ijeg kuardavga Erod fun
e nokbek (3) iji mujur ijia
anf nisaivo iji ruainva ijin
kiavga bu isuar aferdia ar
fuon ijia vain. Bu vakga fu
uri tavan iji bu ivez mujur iji
fu ajiema bu gainva ijefuon
kuardiain.



Fu kuardiame uri kia, Nin
va am iji amarigia
nisaimoine ja gakva nika
migegare una ro na
kuardief. Ja kuardiega nak
va fu kurituamajame fuon
sirimamejno kiain.



Erod fu ijeg kuardiamga bun vakuai vake unam gafia
una madu mujur besum iji bu ar tavan ajiemo nak fu
ajiema bu gainva ijin gain. Mujur iji
fu amur vakok bu gavknum ja
vake ka ar iji am fu namo
ijia usen.



Ijegreare bun aru vaga am iji fu asiefuon Merik ijia karija
bu giain. Bu aru giame uri fuon ato same sirimamen.

Rene bun uri kamui buon ijia ire gord
ga ire udi mukor urino nokarok
(2) bu kua frenkinsens ga meno
kuavo ijin kege am iji vajain.



Ijegreare bun naoinva ijia God
fu naka ijia kuardiame kia, Jab
una Erod fino ijia vakvano
kiamga bun uri unam be ijia
una ar buon ijia vain.



E mujur davo nokbek (3) iji bun
una vakga Josof fu nainmaga
E Bomana ijefuon anera ijar
arime naka kuardain. Fu kua,
Migegare urine am gureko
asiefuon ijin aferdame
ni uri ko gamia ar Ijift ijia
ari va figa nar kuaga ni
una rokne. Ijefuon
maiiji e

bomana Erod moik
samuamo iji fu am iji
kanakafa nisaimoino kuain.



Ijefuon Josof fun ve ufrenma
ijia urine am ijiga asiefuon iji
aferdame bun Ijift vain. Bun
va ijia karine e Erod fun fine
guakoga bu rad una ruain.
Regavo iji bu ijegrenva
iji bu izeg Osia e Godon
vuak vierafene kuaimon
fu usuibe isoime



kuainma ijekma
aresrekro fu iji ijeg ren.




Regavo vuak iji bu ijeg isoi,
Na e iji bu ai ljiŋt guf ijia
karinva iji uf ijia am farinun iji
kumejga fu keko ruain.



Regavo tavan iji Erod fu
viera fega e iji mujur ijia anf
nisaivo iji bu biesuainvaga
fuka uruvana igia deajin.





Ijefuon fun uri e bijaivo fuon
uruvana kia, Ni va ar Betriem
ijia am farif ukakna juaivasia
besum (1) vo nokarok (2)
barenva iji fok kaniaf. Regavo
madu ni va ar ukakna Betriem
samaij ijia ga juar bu menva
ijia oknum
am



ukakna fok kania
barefno kiain.



Ijefuon maiji bun e ijieb
ivez mujur iji fu mani
sanama bu gainva iji
kuardainva ijefuon fu am
ijekin iji kaniamno kiain.





Ijegreare e Erod fun guakoga
E Bomana ijefuon anera iji
fun una Ijift ijia arime Josof
naka kuardame ijeg kuardain.
Fu kua, Nin am ijiga asiefuon
iji aferdame una uri ar
Isrer ijia vakne. Ijefuon
maiiji e iji bu am iji
kanakuai nisaimoijo iji

bun aoim
barevano kuain.



Fu una Judia ijia
fivako ijia fu e Akeras
fu asoifuon Erodon ar
iji abene e bomana
rene ai Judia



samuamo iji fain.
Fu iji faima fuka bomana
jumga E Bomana ijefuon anera iji fu
una arime Josof izeg fu rekfuon fok
fuka naka ijia kuardain.



Ijefuon fu ar Judia fu
ijia areme va Nasaret
ai Gareri ijia ar fuon
same ijia fin. Regavo
ijeg fu renma
iji fu

izeg e Godon
vuak vierafe kuaimon
fu isoinma ijekma aresrekro fu iji ijeg
ren. Regavo vuak iji bu ijeg isoime kuai, E iji God
fu kuaga fu ruakfuon iji fu e ar Nasaretkono kuain.



God fu e fok moikigia oiyo iji oijmiainma
ijefuon fu Farifuon besum iji kuamga fu
ari ruain. Ijefuon erar fu Farifuon iji ma
vierafekma e iji fuba guak gavo fum
tavan bog unam ma karivako
iji abe ijia fivak.



Romans 3:23 God fu e iji bu oibupon ijia Jesu Kurais ma vierafejo ijiebuon ise iji giame aregavo bu karauniamе una unam fuon ma ijia uniain. Regavo e fok no Godon nifak ijia no besum. No kafokafo bakin ijefuon maiji e fok no ise uruvana reoijo ijefuon no Godon sanainma iji noba gain.

Romans 6:23 Ja iviakma ise reoijo iji tavan rad ja unam ma iji abekva bakin revo kaven jon bum vajai fian abene aoik. Regavo bu aoikva buba Godna karivak. Regavo no Jesu E Bomana nuvuon ma vierafekva God fu duadok fuon ijia unam fuon ma karivako iji fum efkin abe muok.



Hebrews 9:27 Regavo e fok bu aoikva bum efknum aoik revo rad God fu ise buon iji kege mazim giak. Unam besum ijegvo Jesu fu efknum vajai fuon abe isuf baroine guain. Regavo iji fu renma iji fu e iji ise rejo bu vajai fian abekfuon ijiebuon ise iji somdiakafa ren. Regavo fu una moikigia rokon iji fu ise ijefuon una guakafa rokon bakin. Regavo fu e iji bu fu samuame karinva fu ijin karauniakafa rok.

Ephesians 2:8,9 God fu ja mardiamo ijefuon fu jon ja fu ma vierafejo ijia giame ja karauniain. Regavo God fu ja karauniainma iji fum fur efkin ja karauniain. Regavo jar ire ma kafo fuon renva ijefuon fu ja karauniainma bado jab ijeg aroikarame kuaikfuon.



Romans 10:9,10 Ijefuon ja e fok ijiebuon nifak ijia ja kuai, Jesu fu E Bomanano kuaikva God fu ja karauniak. Regavo madu ja oijon guf ijia ma vierafero Jesu fu guain revo Godri kuama fu una urinmaro ja ijeg vierafekva God fu ja karauniak.

Ijefuon ja oijon ijia ma vierafekva God fu ja kege una unam fuon ma ijia uniak. Regavo madu ja ir jon ijia e fok ijiebuon nifak ijia kuai Jesu fu E Bomanano kuakva God fu ja karauniak. Ijefuon erar fu tavan bog ire nokarok (2) iji reoinon iji God fu e iji keunak.

John 3:16,17 God fu e fok moikigia oijo iji oijmianma ijefuon fu Farifuon besum iji kuamga fu ari ruain. Ijefuon erar fu Farifuon iji ma vierafekma e iji fuba guak gavo fum tavan bog unam ma karivako iji abe ijia fivak.



God fu Farifuon iji kuamga fu e fok moikigia ise reoijo
ijiebuon ise iji kege mazim giakafa ruainma bakin gavo
fum bu karauniakafa ruain.

1 John 5:11-13 Regavo God fun ijeg kuarduin erar fu
Farinun Jesu tavan bog ma vierafeknum fivakma e iji fu
unam ma karivako iji abekno kuin.

Regavo fu madu kuo erar Farinun abega fu fusik okma e iji
fu unam ma karivako iji abek. Regavo erar fu Farinun fuba
mukoi oijmame fusik okma e iji fu unam ma karivako iji
fuba abek.

Vuak igi na isoim nijjavo ijefuon maiji ja izeg Godon Farif
ijefuon unam ma karivako iji ja abenva iji jaka mukorigia
vierafekfuon na ijin isoim nijjav.



Metiu 1-2; Ruk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Namiae (nvm) © 2004, Wycliffe Bible Translators, Inc. All
rights reserved.

<https://www.bible.com/bible/1181/MAT.1>

©2025 Bible for Children, Inc.

www.M1914.org

www.bibleforchildren.org

